

Gideon Blaauw

ARUBA FINANCIAL CENTER ASSOCIATION

“ARUBA NO A SCOHE PA TA UN “TAX HAVEN”, PERO PA TRANSPARIENCIA DEN E SISTEMA DI IMPUESTO”

Gideon Blaauw (30) Tax manager na Ernst & Young y actualmente Presidente di Aruba Financial Center Association (“AFCA”), un asociacion (lanta na 1988) di abogadonan, fiscalistanan, notarionan, accountants, bankeronan y otro companianan actief den e mundo financiero. AFCA su meta principal ta pa promove y stimula Aruba como un sector financiero internacional di offshore y protehe e interesnan di su 35 miembronan.

Den añanan ochenta e conocido Aruba Vrijgesteld Vennootschap (“AVV”) tabata e prome instrumento financiero pa crea e sector offshore na Aruba. E AVV keto bai ta existi pero a ser adapta na normanan di OECD (un organizacion mundial cu ta promove desaroyo economico y cooperacion entre paisnan). E adaptacion di e AVV na e normanan di OECD ta pa evita cu Aruba lo keda un “tax haven”. Despues di AVV un otro instrumento financiero a keda introduci bou di e nomber IPC, cu ta un abreviacion pa “Imputation Payment Company”. Gideon ta bisa: **e IPC ta un sistema di refund caminda a accionista di e compania ta haya un refund (di placa) di gobierno cu ta resulta den un e ta-**

rifa di impuesto efectivo di mas o menos 2%. E IPC ta remplaza e “Offshore NV” manera Aruba tawata conoce. OECD no ta reconoce e estructura di Offshore NV mas pa motibo cu e ta un estructura pa crea un forma di “tax haven”. Un pais ta un “tax haven” den bista di OECD ora e sistema di impuesto ta anti-competitivo y ta debilita un competencia husto y e confiansa den e sistema di impuesto. **Pa e motibo ey y pa evita cu Aruba lo bai riba e “black list” di OECD, na aña 2000 e Offshore NV a keda elimina,** Blaauw ta bisa. Simplemente bisa OECD no ta acepta productonan di offshore cu un etiketa di secrecia caminda e doño final (den forma di un persona natural) di un compania no ta conoci.

E decision di Aruba pa e sistema di transparencia di OECD ta trece cu Aruba por sera tratadonan pa intercambia informacion di impuesto cu e paisnan mas importante pa Aruba manera Merca y Europa. Recien un tratado asina a keda firma entre Aruba y Spaña. **E sosten cu Aruba ta ricibi for di Ministerio di Finanzza di Hulanda ta hopi importante pa motibo cu e negociacionnan ta hopi tecnico,** segun Blaauw. Cada tratado ta nifica cu Aruba no ta ser mira mas como un “tax haven” y cu e pais ta reconoce nos sistema di impuesto. Apesar cu Aruba ta tene su mes na e reglanan di OECD, tog nos ta aparece riba e “black list” di un ley nobo proponi (na februari 2007) pa entre otro Senador Obama bou di e

ARUBA TIN UN BON INFRASTRUCTURA DEN POR EHEMPEL LEY, TRANSPORTE, ACOMODACION Y COMUNICACION PA SIGUI DESAROYA E INDUSTRIA DI OFFSHORE



number "Stop Tax Haven Abuse Act". Riba e lista aki hopi paisnan den Caribe / America Central ta aparece, pero tambe paisnan grandi manera Singapore, Luxemburgo y Suiza. Esaki tambe apesar cu Aruba tin un tratado cu Merca pa intercambia informacion den area di impuestonan. Aparentemente e imagen cu Merca tin di Aruba ta keda diferente.

No tin cifra exacto pero actualmente tin mas o menos 2.500 companianan di AVV actief na Aruba. Cu reglanan mas estricto di AVV y cu introduccion di e IPC, e cantidad aki no lo aumenta mas. Aunke e sector di offshore ta relativamente chikito, e por contribui na diversifica e economia di Aruba tanto den entrada pa gobierno y por ta mas importante den conocimiento ("know-how") cu Aruba por genera den e ramo aki. Gideon Blaauw ta bisa cu no tur ora por haya e profesionalnan den offshore riba mercado laboral local. **Nos mester por busca nan pafo di Aruba. E grupo di profesionalnan aki ta bon educa y cu hopi experiencia. Aruba tin beneficio di nan conocimiento pero tambe e hecho**

cu nan ta gasta na entrada (relativamente halto) akinan.

Compara cu Antiyas e sector di offshore na Aruba ta relativamente chikito. Esunnan cu ta actief den offshore ta oficinanan di trust (cu ta mas o menos un 20 oficina), oficinanan di abogado, accountants, fiscalistanan y banconan. Oficialmente tin un banco offshore na Aruba cu ta Citibank. Algo nobo den sector aki ta e companianan di "captive insurance" (*Florin: via un "captive insurance company" un compania cu no ta actief den e area di seguro, ta segura tur of un parti di e riesgo di e compania madre*). Antiyas historicamente – y particularmente Corsow – tin hopi mas volume den e sector di offshore cu mas cu 30 banconan offshore y riba 80 oficina di trust.

Locual tin prioridad pa AFCA e aña aki ta pa introduci na januari 2008 e

Arubaans Besloten Vennootschap ("ABV"). Den un ABV e accionnan semper ta registra riba nomber y tin restriccionnan pa transferi e accionnan. E ABV tambe ta duna e flexibilidad den e

statutonan pa scohe pa un estructura di "partnership" (manera per ehemplo un "Commanditaire Vennootschap") of un estructura manera un NV of LLC. Den e ABV tambe ta posibel pa split e derecho nan di vota y di ganashi.

Registracion di avionnan na Aruba tambe ta un producto cu tin atencion di AFCA. Un servicio cu no ta hopi conoci pero cu ta existi pa mas cu 20 aña caminda avionnan di tur parti di mundo ta ser certifica y registra na Aruba. **Locual falta den ley pa e servicio aki ta pa Aruba ratifica un protocol cu ta forma parti di un tratado internacional cu lo crea un "boost" pa e "niche" aki, Blaauw ta bisa.**

AFCA tambe a participa na e "trade mission" pa China cu entre otro e meta pa yega na un "trade center" na Aruba pa productonan di China pa e mercado di Merca y Latin America. Importante ta pa tur esun involvi, cu ta entre otro gobierno, FZA, ATA, APA, AAA y e banconan duna "commitment" y "follow up" pa logra e "trade center" pa China of porta un otro pais. **F**